

Phuk lai sigang khri: tawx daux krax son
kawn nyawm wax

Yakob pui
pie



Cao pa ti.iem: Edward Hughes

Pa daox paam: M. Maillot; Lazarus

Cox khre: M. Kerr; Sarah S.

Cao sitoie: Pr. Peter, Esther, Mrs. Pa Am

Cao: pa yuh lih: Bible for Children
www.M1914.org

©2024 Bible for Children, Inc.

phan: caomaix sang yuh Lih son sang coh "Ang chix" sang tuk,
sang rhoi: tawx kah pui "chix tix".





Siyiex tawx kawn
nyawm kah nyiiex
ma: pex ang mawh
lie? Koe: krax gaux
rhawm mieding?
Siyiex tawx kawn
brawm kah nyiiexma:
Icak mai Rebekha
heu-e.



Mai kawn: pa
koe: daux vaig
nawh lulax
thungthiieng:
paotix, (mai
nawh ah nin
"Grawng: pa lih
tix mawh kah
aux mawh yuh
kah mawx?"
Chawk cheng:
kah Siyiex
heu-e.



Simiang Siyiex ah
nin kah nawh "ceu
pui ra: cub koe:
daux vaig maix,
daux ceu pui ra:
cub tix cub tag
sang ting. Tix
cub tag sang
iak. Kawn pa
ting tag sang yaox
tix yuh kawnceu pa
iak heu-e." Hoik
bawgyam nawh keh
kawnbrawm:.



Kawn brawm: ra: kaux an: ang awm
paotix. Kawn pakeh sivoe: raoh nex
nham: mawh kheu nie hauk awm:
kraung ceep piang nawh, kix tom:
kok ceu kaux nawh mawh Esaw.



Esaw ting sipie sipie nawh yuh kaing leue
tiag mai, payuh tix ih kaingma:. Yakob
mawh pui pa awn: rhawm tikaux, pa ot
doux nyiex. Icak keeing kix niemoh
ka Esaw. Miex kix nie mohYakob.



Koe: tingaix Esaw cairhawm kheu kaoh nawh khaiing
doux tiag. Nawh ah nin kah Yakob "tawx aux ih rawm
ceem raoh pa ngaik maix" Yakob pawk lox ah nin "coh

maix tawx ara
kawn ai maix
kah aux
insingaix
heu-e."



Esawx piawm: lox sija mukheu patawx Siyiex kah
pamawh kawn ai. Nawh loh ara kawnai mai Yakob.

Phaox daux nyiex ma:
kix khaix yum
keeing nawh,
nawh koe: ara
caokaing tang
ai kix phaox.



Koe: tibo Siyiex ah nin kah Icak
"Icak eu-Aux mawh Siyiex cie
keeing maix, Siyiex cie Abraham.
Aux ot tau: mai maix."



Aux sang nawb bwan kah daoh doe
maix. Icak yuh kaing krub kah Siyiex
kawn ai nawh Esaw koe: moeng, moeng
nawh mawh pui Hitix. Pui Ishamelax
mawh pui pa ang yumrhawm kah Siyiex.





Icak hoik kuad tawm lox kah
Esaw "yuh priex pa nyawm hoek
ka aux, Aux sang nawb Bwan kah
maix.' Lox in mawh lox pah koe:
jum son kawn simex pa liang keh.
Esaw Lih hu: vuh tiag san nex
to:tiag. Viang mawh kawx nan:
Rebekha caw tix mhong Rebekha
simie Yakob pon bwanson
awm: Esaw.





Rebekha cox daux
krax son sang pon
yakop bwanson. Yuh
priex pa nyawm, teei
hak pex lhop ka yakop
ka piang taix yakop,
piang ngawg nawh
heu-e. Icak ngai:
nawh ang la sidawng.
Mai nawh ang lai pon
gwieh mawh Esaw lie?
Mawh yakop lie?



Yakop viex priex kah
keeing tix. Keeing nawh
ah nin "lox mai awm:
yakop viang mawh nan:
taix mai awm: Esaw koe:
hauk. Khaix ih Icak kah
priex, Icak nawb Bwan
kah yakop heu-e."



Khaix Lih hu: yakop dom: mawx dom: an: Esaw hoek
kah keeing tix. Esaw ah nin: "Keeing... priex hoik
hoek phao, kaoh ih heu-e."

Icak tawng tix hoik
nawbbwan Esaw tom
yiiem mai ah nin:
"An ang lai chix loh
bwanson lie?" Esaw
meedrhawm sang
pauh Yakob.






Rebekha tawng Esaw sang
pauh pux tix. Kieh yakop to:
ot mai pauxtix tom: piawm:
gawh pa hoik yuh tix. Icak
khawrhawm kah lox in mai ah
nin: "yokop mai khaw tix cie
moeng plak ceucat miex
maix." Mawh khue nan:
Yakop to:

khaing nyiex
heu-e.



Bo-an: Yakob taug mai
yuh mhawn gaung
kah simaox nawh laigit.
Nawh tikaux khaing,
Lhat graung te te. Viang
mawh nan nawh ang mawh
nong nong. Siyiex
sikah mai
Yakobdoux
caomaox
nawh heu-e.





"Aux mawh Siyiex cie keeing maix.
Abraham mai; Icak, aux ot tau mai maix. Aux sang
tawx haktiex in kah maix. Kheu daoh doe maix
khawm beu: haktiex tag sang pon bwanson
heu-e." Hkaix hoik ah Siyiex kah nawh
yakop haing khaing it tix, Lhat
kah lox Siyiex heu-e.



Paax Yakob rieb Yakob ot mai
nawh. Yakob lih rhawmmoh kah
kawn pao tix yakhelax nawh
yuh siliex paox tix aliah
num kawx paoxnawh ang
tawx nawh cie.



Bo singaix
prawng Yakob,
pao nawh pie yakop.



Le-ax ang mawh yakhelax Yakop ah kah paotix,
"maix pie aux." Paox nawh Laban ah nin: kah yakop,
"Le-ax mawh pux ke: caw tix koe mex sivoe pux".
"Yamin maix sang cie pux ang mawh lie?
Bao yuh Siliex aux aliah num: ha:"
Yakop meedrhawm nawh dohkeud

kah pa hoik
yuh nawh
kah Esaw
mai keeing tix.



Yakop koe: kawn:
simex kaotix kaux.
Khix singai num hoik
rheung phaox. Nawh
keud sang deeh kah
haktiex ot tix kah
khanan.



Miex keeing mai Esaw
puke: pa sang pauh nawh
ot kah haktie an: heu-e.
Siyiex sikah mai Yakob
"maix viex nyiex maix
deeh kah haktiex maix."
Yakob nghiit kah lox
Siyiex deeh ing.



Krax ing nawh yuh kah
mawx? Esaw viex kawn
liien pon Siyieh kaux hoek
riep Jakob. Esaw to: tix
krawm kah Jakob. Jakob
mai Esaw mawh paoaik moh
tibawg mai yao tix bleeh
kah haktiex tix mhawm
mhawm heu-e.



Yakob pui pie

Grawh grawng: Jah pui tix yaox krax

Lauxrhawm koe: daux phuk lai

Lai yam Jah 25-33

"Gum lox Siyiex mawh pa riiang."

Lai yaog yaw 119:130



Hoik hoit



Phuk lai siyiex krai ceu padaox paam: pa yuh siyiex.
Nawh cao phan: ex kawn pui mai simie ex tawng ka nawh.

Siyiex tawng ex yuh pa khreeing pa brai: (an: heu-e mawh phimap.)
Ngawh phimap mawh krax yum. Viang mawh nan: siyiex sidaing moh
ka maix nawh tawx kawn Ai tix, yesux yum son maix piang khaox
lhak. Yesux kaoh khaing krax yum mai; ing meung raoma: phan
maix yum rhawm ka nawh cao: maix rawg tix pluat ploi:
phimap maix. Nawh sang pluat ploi: phimap maix mai;
nawh cao: sang ot tau mai maix leeing ju heu-e.

Phan maix yumrhawm grawhgrawng in mawh te te.
Maix ah nin kah siyiex. Siyiex eu-e Aux yumrhawm kah maix.
Maix mawh siyiex aux. Maix lih piang haktiex son sang taoh aux.
Yamin kawx maix im: leeing ju:. Yuh bwan son pluat ploi: phimap
aux mai; laig ot tau mai aux liak. Aux sang im: mai; tixngaix sax
sang ing ot tau mai maix leeing ju heu-e. Teem aux liak son
sang mawh kawn maix mai nabyang kamaix heu-e. (A min)

Phat lai Yohan 3:16 phat ku singaix mai;
rawg bwan ku singaix awx.

